

## Yucatec - Quíimil Quili'ich Dzíibo' - Free from Death Scriptures

Romanos 6:23 Tumen u bo'olil le kebano' quíimil, ba'ale' le siibal cu dzáic Kuo' cuxtal mina'an u xuul tu yo'olal Cristo Jesús c Yuumtzil.

Romanos 8:2 Tumen u ya'almaj t'aan Pixan cu dzáic cuxtal tu yo'olal le nup óolal yéetel Cristo Jesusuo', dzo'oc u toquiquen ti' u ya'almaj t'aan le keban cu taasic quíimilo'.

2 Timoteo 1:10 ba'ale' dzo'oc u ye'esic le siibal utzil bejela'o' iquil taalic c J tocsajil Jésucristo, máax tu xu'ulsaj u páajtalil le quíimilo', yéetel tu yo'olal le ma'alob péectzilo' tu jóokesaj ti' sáasil le cuxtal ma' tu páajtal u xu'ulsa'alo'.

Job 5:2 Tumen u kubicubáa máac ti' sut meyaj loobe', jun p'éel ma' na'at tuucul cu bisic wíinic ti' quíimil.

Oseas 13:14 ¿Beyo' je'el wa u páajtal u toquico'ob ti' u páajtalil le mucnalo'? ¿Teen wa bín in lojo'ob ti' le quíimilo'? Quíimil, ¿tu'ux yaan u páajtalil a xu'ulsaj? Mucnal, ¿tu'ux yaan a kascunajilo'ob? ¡Bejela'e' ma' bín in ch'a'a óotzilil ti' le wíinico'oba'!

Salmos 9:13 Yuumtzil, ch'a'a ten óotzilil, il bix u beetico'ob in mukyaj le máaxo'ob p'ectmaileno'; jjóokesen ti' u chi' le quíimilo'!

Job 6:26 Te'exe' ca p'a'astiquene'ex tu yo'olal ba'axo'ob quin wa'alic, choco pool t'aano'ob cu bisa'alo'ob tumen iik.

Job 33:22 U cuxtale' cu kuchul tac tu jool mucnal, cu kuchul tac tu chi' quíimil.

Ezequiel 37:12,13 Bey túuno', t'ano'ob tin kaaba'e' ca a wa'al ti'ob: Je'el ba'ax cu ya'alic Yuumtzila': In caajal, bin in ca'aj in lukes u maac a mucnale'ex; bin in ca'aj in jóokese'ex ichilo'ob u ti'al ca in beet a suute'ex tu lu'umil Israel. 13 Le quéen in je'eláant a mucnale'ex u ti'al in jóokesique'ex ichilo'obe', te'ex in caajale'exe' bín a kaj óolte'ex, tene' Yuumtzilen.

Mateo 27:52 yéetel je'epaj le mucnalo'obo'; tac wíinclil ya'abcach u yocsaj óolalo'ob Ku dzo'oc ca'ach u quíimilo'obe' ca'a púut cuxquinta'abo'ob.

Génesis 2:7 Ku Yuumtzil túune' tu pataj wíinic yéetel lu'um, tu yustaj u ni' ca tu dzaj cuxtal ti'. Bey chúunic u cuxtal wíinico'.

Génesis 6:17 Tene' bin in ca'aj in túuxt jun p'éel búulcabal ca u pix le lu'um yéetel xan ca u xu'uls tuláacal ba'ax cuxa'an ti' tuláacal cùuchil yóokolcaab. Tuláacal ba'ax yaan te j lu'umo' yaan u quíimil.

Génesis 7:15 Tuláacal le ba'alche'obo' ca'a ca'a túulil ooquico'ob ichil le cheemo' yéetel Noé.

Génesis 7:22 Tuláacal ba'ax yaan j lu'um, yaan cuxtal ti' yéetel cu múus iike' j quíimi.

Job 12:10 Tu kab yaan u cuxtal tuláacal ba'ax yaan cuxtal ti'.

Job 33:4 Ku, le sen Aj Páajtalil, leti' j beeten, u yooxow u chi' j dzáa in cuxtal.

Hechos 17:25 Mix kabéet ti'e' le ba'axo'ob cu páajtal u beetic wíinic tu yo'olali', tumen leti' máax dzáic to'on le cuxtalo', le iiko', yéetel tuláacal ba'al.

Apocalipsis 13:15 Le u ca'a túul nojoch ba'alche'o' j dza'ab páajtalil ti' u ti'al u dzáic cuxtal ti' u yoochel le yáax nojoch ba'alche'o', u ti'al xan ca páatac u t'aan yéetel ca u beet u quíimsa'al tuláacal le máaxo'ob ma' bíin u kulto'obo'.

Juan 10:10 Le j oocolo' chéen cu taal u ti'al oocol, quiimsaj yéetel xu'ulsaj, ba'ale' tene' taalaja'anen u ti'al ca yanac cuxtal ti'ob, cuxtal ca jach ya'abac ti'ob.

Isaías 28:15 Te'exe' ca wa'aliique'ex: Dzo'oc c beetic jun p'éel nup t'aan yéetel le quíimilo', dzo'oc c beetic jun p'éel kax t'aan yéetel u ajawil quimeno'ob, tu yo'olal le quéen taalac le yaayaj jáaycabalo' ma' u chuquico'on; dzo'oc c caxtic tu'ux c ta'acbesicbáa ti' tuuso'ob, tu'ux xan c jechic loob ti' ma' jaajil ba'alo'ob.

Isaías 28:18 U nup t'aan yéetel quíimile' bíin mixba'alncunta'ac, u kax t'aan yéetel u ajawil quíimile' bíin p'áatac mix ba'al u biilal. Bíin kuchuc sajbe'en lo'ob, bíin u pech'e'ex.

Isaías 5:24 Le t'o'olale', je'el bix káak cu tóoquic sojole' je'el bix u tóoch'bal káak u beetic u jáabal sojole', bey bíin dzo'ocoque'ex, je'el bix che'ob cu tu'utalo'ob u mootzo'obe', je'el bix u loolo'ob cu suut lu'umil. Tumen ta kex óoltaje'ex u ca'anbesajo'ob yéetel ba'axo'ob u ya'almaj Yuumtzil u yuumil tuláacal páajtalil, u Quili'ich Kuil Israel.

Joel 1:12 Dzo'oc u tijil u x péet pachil uvaob dzo'oc xan u kastal le higueraobo'. J tij le granadaobo', le xa'ano'obo' le manzanaobo' yéetel tuláacal u che'ilo'ob káax.

Oseas 13:15 Quex ca loolnac Israel je'el bix xíwe', bíin talac j lakin iik, le ka'amcach iik cu yustaj x tocoy lu'umo', bíin u tiquincunt u sayabilo'ob, bíin sa'ap'ac xan le dzono'oto'obo'. U aj p'eeeo'ob cu bin jáanpaytic u co'ocoj ayikalilo'ob.

Apocalipsis 22:1 Cu dzo'ocole' le ángelo' tu ye'esaj teen jun p'éel áalcab ja' sac u ja'il, lela' u ja'il cuxtal. Sáaskale'en bey cristale' cu jóokol tu jala'ach káanche' Ku yéetel tu jala'ach káanche' le j Tamano'.

Juan 4:10 Jesuse' tu núucaj túun ti': Wa ca wojéelt ba'ax cu dzáic Kue', yéetel máax le cu káatic teechn ja'e', jach tu jaajile' je'el a káatic ja' ti' tene', teen túune' je'el in dzáic teechn cuxa'an ja'e'.

Juan 4:14 Ba'ale' le máax cu yukic le ja' quin dzáic ti'o', yaan u tuul bey jun p'éel sayab ichil leti'e', u ti'al u dzáic cuxtal mina'an u xuul ti'.

Proverbios 13:14 U ca'anbesaj aj ojéelaje' u sayabil cuxtal cu toquic máac ti' u léechil quíimil.

Proverbios 14:27 U tzi'iquil Yuumtzile' u sayabil cuxtal cu tzelic wíinic ti' u léechil quíimil.

Ezequiel 13:17-23 Wíinic, bejela'e', xeen j t'aan yéetel u co'olelilo'ob a caajal, cu dzáicuba'ob j t'aan tin kaaba' chéen tu juunal u yóolo'obo', 18 ca a wa'al ti'ob: Je'el ba'ax cu ya'alic Yuumtzila': ¡Yaj a wanile'ex, te'ex máaxe'ex ca máan a chuque'ex wíinico'ob; ca chuyique'ex pulya'aj x bakkabo'ob, u ti'al u dza'ob tu

kabo'ob tuláacalo'ob, ca beetique'ex xan pix icho'ob u ti'al u dza'ob tu poolo'ob tuláacalo'ob! ¿Táan wa a tucultique'ex je'el u páajtal a dzáique'ex wa a lukesique'ex u cuxtal in caajal je'el bix a káate'exe'? 19 Te'exe' chéen yéetel dze'edzec u láap'alilo'ob cebada yéetel jujun xéet' waaje', ca manba'alcuntiquene'ex tu táan in caajal; ca quiimsique'ex máaco'ob ma' unaj u quíimilo'obi', ca cha'ique'ex u p'áatal cuxa'an máaxo'ob ma' unaj u cuxtalo'obi'. Bey a tusique'ex in caajal cu táan óoltic a tuuse'exo'. 20 Let o'olale', teen Yuumtzile' quin wa'alic: Tene' quin wa'alic tin bíil, tene' aj p'eequen ti' le pulya'aj x bakkab nooko'ob ca beetique'ex u ti'al a léechtique'ex le máaco'ob bey je'el bix u léechta'al ch'íich'o'obo'. Tene' bíin in toc ta kabe'ex le máaco'obo', u ti'al ca in beet u p'áatalo'ob jáalkabil; 21 bíin in toc in caajal ta kabe'ex yéetel ti' le pix icho'ob a dzaamaje'ex ti'obo', ma' bíin páatac a ca'a chuquique'exo'obi'. Te'ex túune' bíin a kaj óolte'ex, teen Yuumtzilen. 22 Te'ex, yéetel a tuuse'exe', ta sajbesaje'ex le utzul máaco'obo', tene' ma' in káat ca'ach ca úuchuc beyo', ba'ale' te'exe' ta wáantaje'ex le loolob máaco'ob u ti'al ma' u p'atico'ob u kaakas cuxtalo'obi', u ti'al xan ma' dzáic cuxtal ti'obi'. 23 Let o'olal ma' bíin ca'a yanac ti' te'ex j tuus náayo'obi' mix bíin a ca'a tze'ecte'ex tuus náayo'obi'. Teen bíin in toc in caajal ta kabe'ex, bíin túun a wutzil kaj óolte'ex teen Yuumtzilen.

Jeremías 21:8 Ka'ayt xan ti' le caajo', téen Yuumtzile', quin wa'alic: Táan in dzáic u yéeyo'ob, u bejil cuxtalil wa u bejil químil.

Job 34:22 Mina'an sen éekjoch'e'enil ca páatac u balic ba'ax cu beetic le j loolob máaco'.

Salmos 16:10 tumen ma' bíin a p'aten ichil le mucnalo'; ¡ma' bíin a xúump'at ichil mucsaj, le máax a yaabiltmajo'!

Salmos 23:4 Quex ca máanaquen ichil u sen éekjoche'enil u taamil áactune', ma' bíin in ch'a'a' sajaquil ti' mix jun p'éel loobi', tumen teche' Yuumtzil, ti' yanech tin wéetele'; u yaakil a jaadz yéetel a xólte'e' cu lukesic in sajaquil.

Salmos 30:3 Yuumtzil, teche', ta tocajen ti' le quíimilo'; ta dzaj ti' teen cuxtal ma' ta cha'aj in quíimili'.

Salmos 49:15 Ba'ale' Kue' yéetel u páajtalile' yaan u toquiken ti' le quíimilo', tumen leti' yaan u bisiquen tu yicnal.

Salmos 56:13 tumen dzo'oc a toquiken ti' le quíimilo', bey xan ti' le lúubulo', u ti'al ca xiimbalnaquen ti' u sáasilil cuxtal tu táan Yuum Ku.

Salmos 68:20 C Junab Kue' jun túul Ku cu tocsaj cu páajtal xan u toquico'on ti' químil.

Salmos 89:48 ¡Mix máac cuxa'an wa ma' yaan u químil! ¡Mix máac je'el u páajtal u toquicubáa ti' u páajtalil le quíimilo'!

Salmos 102:19,20 Yuumtzile' likbal tu ca'anlile' tu pactaj le yóokolcaaba'; likbal tu quili'ich ca'analil, 20 u ti'al u táan óolt u yáacam le máaxo'ob kala'ano'obo' yéetel u ti'al u jáalkabt le máaxo'ob cu bisa'alo'ob j quíimsbilo';

Salmos (114/115)116:8 tumen tu tocajen ti' químil, tumen tu tocajen ti' okol

yéetel ti' lúubul.

Proverbios 10:2 Le ocoltbil ayikalilo'ob ma' tu taasico'ob mix jun p'éel utz, ba'ale' u beeta'al ba'al tu beeble' cu beetic u je'echel le quíimilo'.

Isaías 26:19 Ba'ale' a quimen'oibe', bíin ca'a cuxlaco'ob, u quimen wíinclilo'obe', bíin ca'a cuxlaco'ob. Le máaxo'ob cu wenelo'ob te j lu'umo' bíin ajaco'ob yéetel bíin awatnaco'ob yéetel qui'imac óolal. Tumen teche' ca túuxtic a sáasil bey ye'ebe' le quimen'oobo' bíin ca'a síijico'ob ti' le lu'umo'.

Juan 5:28,29 Ma' u ja'akal a wóole'ex tu yo'olal lela', tumen bíin kuchuc u kiinil le quéen u'uya'ac u t'aan tumen tuláacal le quimen'oobo' 29 yéetel bin jóokoco'ob ti' le mucnalo'obo'. Le máaxo'ob tu beetajo'ob utze', bin caapúut cuxlaco'ob u ti'al u yantal cuxtal ti'ob; ba'ale' le máaxo'ob tu beetajo'ob kaase', bíin caapúut cuxlaco'ob u ti'al ca xot kinta'aco'ob.

Juan 10:28 Teen dzáic cuxtal mina'an u xuul ti'ob, mix bikin bíin quíimico'ob, yéetel ma' bíin jáanpayta'aco'ob tin kab tumen mix máaqui'.

Juan 11:43,44 Cu dzo'ocol u ya'alic lela', ca tu ka'am a'alaj: ¡Lázaro, jóoken te'elo! 44 Le quimen'o jóoki, kaxa'antac u kab'oob bey xan u yooco'ob yéetel u tzíitzilal nooko'ob, to'an xan u yich yéetel jun p'éel nook. Jesuse' tu ya'alaj ti'ob: Wach'e'ex ca cha'ex u bin.

Juan 12:17 Le máaco'ob yano'ob ca'ach yéetel Jesús le ca tu t'anaj Lázaro ti' le mucnalo' yéetel ca tu caapúut cuxquintajo', táan u tzicbaltico'ob le ba'ax tu yilajo'obo'.

Juan 17:2 Tumen teche' a dzaamaj páajtalil ti' a Paal yóokol tuláacal máac, u ti'al ca u dzáa cuxtal mina'an u xuul ti' tuláacal le máaxo'ob ta kubaj ti'o'.

1 Corintios 15:19-26 Wa c alab óolal ti' Cristo chéen u ti'al le lu'umcabil cuxtala', to'on u asab óotzilil ichil tuláacal máaco'ob. 20 Ba'ale' u jaajile' Cristoe' j ca'a púut cuxlaj ichil le quimen'oobo', leti' u yáaxil ichil le quimen'oob yaan u ca'a púut cuxtalo'obo'. 21 Tumen bey je'el bix tu yo'olal jun túul máac j taal le quíimil way yóokolcaabo', bey xan tu yo'olal jun túul máaque' le ca'a púut cuxtalo'. 22 Bey je'el bix tuláacal cu quíimil tu yo'olal Adane', bey xan ti' tuláacal cu yantala' cuxtalu tu yo'olal Cristo. 23 Ba'ale' cada jun túule' tu tzoolol: Cristo yáax táanil je'el bix u yáax ich le joocho', cu dzo'ocole' le quéen taalac Cristoe', le máaxo'ob u ti'alo'obe'. 24 Cu dzo'ocole' cu taal u xuul, lela' le quéen xu'ulsa'ac tumen Cristo tuláacal Yuumtzilo'ob, jalachilo'ob yéetel páajtalilo'ob, yéetel le quéen u kub le ajawil ti' Ku Yuumbil. 25 Tumen Cristoe' yaan u ajawtal tac quéen dza'abac le máaxo'ob p'ecmaile' yáanal u yooc tumen Ku; 26u dzo'oc ba'ax cun xu'ulsbile' leti' le quíimilo'.

2 Corintios 1:9,10 To'one' t u'uyabáa je'el bix le máaxo'ob xot kinta'ano'ob u ti'al quíimilo'. Ba'ale' j úuche' u ti'al ca ca'ansa'aco'on u ti'al c alab óolt Ku le máax cu ca'a púut cuxquintic le quimen'oobo', ma' c alab óolticbáa to'oni'. 10 Kue' tu ta'acajo'on yéetel táan u toquico'on ti' le nojoch loolob quíimilo'. Ti' leti' c dzaamaj c alab óolal u ti'al ca u toco'on mantadz

2 Corintios 3:6 Tumen leti' tu dzaj to'on u páajtalil c meyajtic yáanal jun p'éel

túumben nup t'aan, ma' tu yo'olal wa ba'ax dzíiba'ani', ba'ale' tu yo'olal jun p'éel cuxtal kama'an ti' quili'ich Pixan. Le a'almaj t'aan dzíiba'ano' cu xot kinaj u ti'al quíimil, ba'ale' le Quili'ich Pixano' cu dzáic cuxtal.

Colosenses 1:21,22 Te'ex ca'ache' táanxel lu'umile'ex yéetel enemigoex ti' Ku ta pucsl'ikale'ex, tu yo'olal le ba'alo'ob kaastac ca beetique'ex ca'acho'; ba'ale' beoraa' Kue' dzo'oc u dzáique'ex ti' jéedzel óolal tu yéetel, 22 tu yo'olal le quíimil tu mukyajtaj Cristo ti' u lu'umcabil wíinclilo'. Lela' tu beetaje' u ti'al u dzáique'ex tu táane' bey máaxe'ex jach a kubmaj a wóole'exe', mina'an te'ex kaasil mix si'ipil.

Hebreos 2:9 Ba'ale' c ilic Jesús, máax beeta'ab jun p'sit asab cabal ti' le ángelo'obo' u ti'al dze'edzec kiino'ob. Kue' ichil u siibal utzile' tu yóoltaj ca quíimic tu yo'olal tuláacal; bele' péet jo'ol ta'an yéetel nojbe'enil bey xan yéetel tzicbe'enil tu yo'olal le quíimil tu mukyajtajo'.

Hebreos 2:14,15 Bey je'el bix le paalalo'ob táacpaja'ano'ob ti' bak yéetel ti' ki'ike' bey xan Jesús yanji' u táacpajal ti' bak yéetel ti' ki'ik, u ti'al ca páatac u xu'ulsic yéetel u quíimile' u yuumtzil le quíimilo', u káat u ya'ale', kasiba'al. 15 Beyo' dzo'oc u jáalkabtic tuláacal le máaxo'ob tu yo'olal u sajaquililo'ob ti' le quíimilo' cuxa'ano'ob beyo'ob palitzile' tuláacal u cuxtalo'ob.

Hebreos 11:5 Tu yo'olal le ocsaj óolalo' Enoque' j bisa'abi' quex ma' tu yilaj quíimili'; ma' j caxta'abi' tumen j bisa'ab tumen Ku. Le Quili'ich Dzíibo' cu ya'aliqe' ma'ilí' bisa'aque' Enoque' j lúub utzil tu táan Ku.

1 Pedro 3:18 Tumen Cristoe' tu mukyajtaj le quíimilo' tu yo'olal c kebano'obe' jun téenili' u ti'al mix bikin. Leti'e' utz, ba'ale' mukyajnaj t o'olal to'on máaxo'on kasa'ano'on, u ti'al u bisico'on ti' Ku. J quíim ti' u wíinclil, ba'ale' cuxa'an ti' u pixan.

2 Pedro 1:3 Kue' u dzaamaj to'on, tu yo'olal u páajtalile', tuláacal ba'ax kabéet to'on u ti'al cuxtalo' yéetel u ti'al c kultic leti', le ca tu beetaj c kaj óoltic le máax tu t'aanajo'ono' tu yo'olal u nojbe'enil yéetel u nucuch meyajo'ob.

1 Juan 3:14 To'one'; dzo'oc c lukul ti' le quíimilo' u ti'al c máan ti' le cuxtalo', c ojele' tumen c yaabiltic le sucu'uno'obo'. Le máax ma' tu yaabilaje' láili' quimene'.

1 Juan 5:11 Le jaajcunaja' leti' lela': Kue' dzo'oc u dzáic to'on cuxtal mina'an u xuul, yéetel le cuxtala' ti' yaan ti' u Paale'.

Apocalipsis 21:6 Cu dzo'ocole' tu ya'alaj teen: Dzoca'an yanil. Teen u yáax chuun bey xan u xuul, le Alfa'o' yéetel le Omegao'. Le máax ukaje', tene' x ma' bo'olile' quin dzáic ti'e' u yuk u ja'il sayabil cuxtal.